

Austrheim kommune

Att. Asbjørn Nagell Toft

Søknad om dagsturhytte i Austrheim kommune til Vestland fylke 2020

Vi viser til dykkar søknad om tilskot til å bygge dagsturhytte i Austrheim kommune.

Bakgrunn

Fylkestinget i Vestland løyvde i desember 2019 midlar for å vidareføre prosjektet med nye 10 hytter i 2020. I finansieringsmodellen ligg det eit fylkeskommunalt tilskot på kr. 200.000,- til kvar hytte, samt ei gåve frå Sparebankstiftinga Sogn og Fjordane på kr. 100.000,-. Hyttene kan i tillegg søkje spelemidlar for inntil 1/3 av kostnaden.

Hovudutval for kultur, idrett og integrering vedtok i møte 13.02.2020 at Fylkesdirektør kultur, idrett og inkludering får delegert mynde til å løyve resterande sum frå løyvinga for 2020.

Sparebankstiftinga Sogn og Fjordane vil ta direkte kontakt med kommunen for å informere om detaljane ved gåva på kr 100.000 til kvar hytte.

Vedtak

Fylkesdirektør for kultur, idrett og inkludering vedtek å løyve kr 200.000 til Austrheim kommune.

Vurdering

Dykkar søknad ligg til grunn. Til søknaden vart det stilt krav om politisk forankring, og kommunen har lagt ved kopi av protokoll frå politisk vedtak. Kommunen har i tillegg følgd opp med god dialog med fylkeskommunen, levering av sjekklister og dialog kring plassering av hytta og prosessen vidare. Fylkeskommunen sørgjer for anbudsutlysing og innstilling av leverandør. Kvar kommune skal sjølve skrive avtale med leverandør etter mal gitt av fylkeskommunen.

Utbetaling

Utbetaling av tilskot skjer i hovudsak gjennom elektronisk faktura i EHF-format.

Elektroniske fakturaadresse: 9908:821311632

Aksesspunkt: Visma

Saksnummer: 2020/279

Ressursnummer: 12564

Beløpet vil bli utbetalt når Vestland fylkeskommune har mottatt og handsama EHF-faktura med korrekt merking med saksnummer og ressursnummer. De har ansvar for å kontrollere at utbetalt beløp er korrekt. Eventuelt for mykje utbetalt tilskot skal betalast attende snarast.

Vilkår for tilskotet

Oppfølging, rapportering og kontroll

- Tilsegnsmottakar skal rapportere og sende inn rekneskap innan 3 månader etter at tiltaket er gjennomført.

- Fylkeskommunen og fylket sin revisor skal ha høve til å setja i verk kontroll med at midlar vert forvalta som føresett. Fylkeskommunen og fylket sin revisor skal ha rett til dei dokument og opplysningar ein finn påkravd for sin kontroll.
- Gjennom aktivitetar, informasjonsmateriale mv skal det gjerast tydeleg at fylkeskommunen er tilskotsgjevar. Dokumentasjon av dette skal leggjast ved rapport.
- Om ein har opne, publikumsretta arrangement er det ein føresetnad at tilskotsmottakar aksepterer og nyttar ordninga med følgjekort for funksjonshemma. Funksjonshemma som kjøper billett skal då ha rett til gratis billett til sitt følge.
- Tiltaket skal gjennomførast på den måten og i det tidsrom som går fram av søknaden. Eventuelle vesentlege endringar i prosjektet må meldast skriftleg til sakshandsamar for vurdering og godkjenning. Dersom prosjektet vert avlyst, utsett eller vesentleg endra, kan heile eller deler av tilskotet krevjast betalt attende.

Rapportering

Rapport og rekneskap sendast til Vestland fylkeskommune, avdeling for kultur, idrett og inkludering ved prosjektslutt. Rapporten skal minst innehalde desse punkta:

- Skildre gjennomførte tiltak og i kva grad målsettinga vart nådd.
- Peike på eventuelle avvik og grunngje desse.

Kontroll

Fylkeskommunen og fylkeskommunen sin revisor har til ei kvar tid rett til å kontrollere at midlane vert forvalta i samsvar med vilkåra i tilsegna. Tilskotsmottakar pliktar - etter førespurnad - å gje fylkeskommunen og fylkeskommunen sin revisor dei dokument og opplysningane dei finn påkrevd for sin kontroll. Brot på vilkår og føresetnadar Dersom tiltaket ikkje vert gjennomført skal midlane betalast attende. Dersom det ligg føre vesentlege avvik frå prosjektsøknaden eller andre føresetnader for vedtaket eller krava til rapportering/kontroll ikkje vert oppfylt kan vedtaket om tildeling verte gjort om med krav om heil eller delvis tilbakebetaling.

Klage/partsinnsyn

Vedtaket kan påklagast i medhald av forvaltningslova § 28. Klagenemnda for Vestland fylkeskommune er klageinstans for vedtak knytt til midlar løyvd frå Vestland fylkeskommune. Klage vert sendt til Vestland fylkeskommune, avdeling for kultur, idrett og inkludering. Klagefrist er tre veker frå søkar mottar melding om vedtaket.

Klagen må innehalde opplysningar om kva vedtak det vert klaga over, årsaka til at det vert klaga og kva endringar ein meiner bør gjerast. Vi gjer merksam på at de etter Forvaltningslova har rett til å gjere dykk kjend med dokumenta i saka med dei avgrensingane som følgjer av §§ 18 og 19.

Med helsing

Per Morten Ekerhovd
Fylkesdirektør

Britt Karen Spjeld
Seksjonssjef

Brevet er elektronisk godkjent og har difor ingen handskriven underskrift